

# ጳውሎስ ቴሴሎንቂያ አሳው ፃፌዳ ኮይር ኪታ ጌሉዋ

ቴሴሎንቂያ ማቂደኒያ ጌቴቲያ ርማ ቢታው ዋና ካታማቶ። ጳውሎስ ቴሴሎንቂያን አማኒያዋንቶ ሺሹዳዌ፣ ፒሊጲሲዮሳ ቢታ ዩኒ ቤዳዋፔ ጉዩያና። ጊደፔ አተሺን፣ አዩሁዳቱዋ አማኑዋ አካናው ማቲዳ አዩሁዳ ጊደና አሳቱ ጳውሎስ ታማሪሲያ፣ አማኑዋ ቲሚርቲያ ዶሴዳ ዲራው (1:8-10)፣ አዩሁዳቱ ጳውሎሳ ቃናቲዳ፣ ጳልቄሳ ዳንሌዲና። ሄዋ ዲራው ጳውሎስ ቴሴሎንቂያ ዩዲዳ፣ ቤሪያ ጌቴቲያ ጋዲያ ቤዳ። ታኪዳ ኢ ቆሮንቶሳ ጋኬዳ ዋዳ፣ ማታን አ ማዲያ ጂሞቶሲ ቴሴሎንቂያ ቢዳ ሲሞዋፔ ጉዩያን አማኒያ አሳ ሃናታ አው ቆንጨሲዳ ኦዳዳ።

ጳውሎስ ኮይር ኪታ ቴሴሎንቂያ አሳሲ ፃፌዳዌ፣ አማኒያዋንታ ሚኒሳናሳኔ ማንሐላናሳ። ኢ ኡንቱንቱ አማኑዋባኔ ሲቁዋባ ሎፖ ዋሪያ ሲሴዳ ዲራው፣ ያሳ ጋላቲ። ካሴ ኢ ኡንቱንቱ ጊደን ሄዙ ሳሚንታ (ኪት 17:1-9) ዳዔዳ ዋዳ፣ አይ ማላ ዳዑዋ ዳዔዳንቶ ኡንቱንታ አከኪሴ። ሄዋፔ ጉዩ ኪሪሰቶሳ ላዔሉዋ ዩሳ ጻሌዳዋን ዳንዳዳ ኦሻቱዋሲ ዛሩዋ ኢሚ። ሄ ኦሻቱዋፔካ አማራዳዋንቱ፣ «ኪሪሰቶሲ ሃ አላሚያ ሲማናፔ ካሴቲዳ ሃይቄዳ አማኒያ አሳይ፣ ኪሪሰቶሳ ሲሚይ ኢሚያ ሜጲና ዳዑዋ ሻኪ አካናው ዳንዳዩ? ኪሪሰቶሲ ሲሚዳ ያናዌ አዉዳ?» ያጊያዋንታ። ጳውሎስካ ሄ ጋኬቲዳ ዋዲያ ጎዔቲዳ፣ «ኪሪሰቶሳ ላዔሉዋ ዩሳ ቲሚርቲያ ሂደታን ናጊዳ ኢ ያና ጋካናው ዋፑ ጊዳ ሂንቱንቱ ኦሱዋ ኦሊቲ» ያጊዳ ኡንቱንታ ዞ።

## **ሼምፓቱዋ ኡባቱዋሲ ኢሜቴዳ ቃንሳ ቆፋቱዋ**

- ጌሉዋ (1:1)
- ጳውሎሳ ናሼቻኔ ጋላታ (1:2-3:13)
- አማኒያዋንቱ ዳዑዋ ካሌሊያ ኦጊያ (4:1-12)
- ዩሱሳ ላዔሉዋ ዩሳ ቲሚርቲያ (4:13-5:11)
- ወርሴሳ ማቁዋ (5:12-22)
- ቁቲያ (5:23-28)

1 ኑኒ ጳውሎስ፡ ሲላሴኔ ሂሞቶሲ ቲሴሎንቄን ዴዒያ አማኒያ አሳቶ ሃ ዳቢዳቢያ ፃፊቶ፤ ሂሞንቱ ያሳ ኑ አቡሞንቶኔ ጎዳ ዬሱሲ ኪሪሰቶሳሞንቶ፡ አቶ ኬካቴላይኔ ሳርቴላይ ገደ።

**ቲሴሎንቄያ አሳ ዴዒ-ዋኔ አማኑዋ**

2 ኑኒ ዋሳን ያሳ ጋላቲዴ፡ ኡባ ዋዴ ሂንቴና ኡባቱዋ ሃሳዬቶ።  
3 ኑኒ ኑ ያሳ፡ ኑ አጫዋ ሲንሳን አማኑዋን ሂንቴንቱ ኦሌዳ ኦሱዋኔ፡ ሲቁዋን ሂንቴንቱ ዳቡራዳ ዳቡራ፡ ቃሲ ኑ ጎዳ ዬሱሲ ኪሪሰቶሳን ሂንቴው ዴዒያ ሂደታን ገንጨያ ገንጨዋ ኡባ ዋዴ ሃሳዬቶ።

4 ኑናዳን ያሳ ካሊያዋንቶ፡ ያሳይ ሂንቴና ሰቂያዋኔ ሂንቴና ባሬው ናና ኦላናው ደራዳዋ ኑኒ ኤሬቶ። 5 አዪሲ ጎፔ፡ ኑኒ ዋንጋላ፡ ዋልቃን፡ ጌሻ አያናኒኔ ሄ ዋንጌሊ ቱማ ገዴዳዋ ወርሲ አማኒያዋን ሂንቴንቶ አሄዳዋፔ አቲን፡ አሳ ቃላ ፃላላን አሂቤይኮ። ኑኒ ሂንቴናና ዴዒያ ዋዴ፡ ሂንቴንቱ ዲራው ዋኒ ዴዒዴዳንቶ፡ ሂንቴንቱ ኤሪታ። 6 ቃሲ ሂንቴንቱ ዳር ዋዬቶፔካ፡ ጌሻ አያናይ አሜዳ ናሺቻን ኪታ አኬዲታ፤ ሂሞን ኑ ለሚሱዋኔ ጎዳዋ ካሌዲታ። 7 ሄዋ ዲራው፡ ማቂዶኒያኒኔ አካዪያ ገያ ጋዲያን ዴዒያ አማኒያ ኡባቶ ለሚሱዋ ገዴዲታ። 8 አዪሲ ጎፔ፡ ጎዳ ቃላይ ሂንቴፔ ኬሲዴ፡ ማቂዶኒያኒኔ አካዪያ ፃላላን ሲሴቲቤና፤ ሺን ያሳ ሂንቴንቱ አማኒያዋ ኡባሳን ሲሴቲዴ፡ ሲሚ ኑኒ ሃሳያናው ኮሺሺን አቶዌ አይኔ ባዋ። 9 አዪሲ ጎፔ፡ ኑኒ ሂንቴኮ ቤዳ ዋዴ፡ ሂንቴንቱ ኑና ዋቲ ሞኬዴንቶኔ ቃሲ ሂንቴንቱ ሂንቴንቱ ኤቃው ኦሊያዋ አገዴ፡ ዋርዶቴና ዴዒ-ዋ ያሳው ኦላናው ዋኒ ያሳኮ ሲሜዲቲንቶ፡ ኡንቱንቱ ባሬንቱ ሁጲያን ሃሳዪና። 10 ቃሲ ያሳ ናዒይ ዬሱሲ፡ ያሳይ ሃዪቁዋፔ ዴንሌዳዌ፡ ኑና ሲንሳፔ ያና ያሳ ሃንቁዋፔ አሺያዌ ሳሉዋፔ ያናዋ ሂንቴንቱ ናገያዋ ኡንቱንቱ ሃሳዪና።

**2**

**ጳውሎሲ ቲሴሎንቄያን ኦሌዳ ኦሱዋ**

1 ኑናዳን ያሳ ካሊያዋንቶ፡ ኑኒ ሂንቴኮ ቤዳዌ ሜላ ገዴናዋ ሂንቴንቱ ሂንቴንቱ ሁጴው ኤሪታ። 2 ሺን ኑኒ ሂንቴኮ ያናፔ ካሴ ፒሊጲሲዮሳ ገያ ካታማን ዋዬቲዳዋኔ ቦሬቲዳዋ ሂንቴንቱ ኤሪታ፤ ዳር ጳልቁላይ ዴፖፔካ፡ ሂንቴንቶ አ ሚሺራቹዋ ቃላ ኦዳና ማላ፡ ያሳይ ኑሲ ሚናቴላ አሜዳ። 3 ኑኒ ሂንቴና ዋሲያዋ ባሊዴ ዋይ ቱናቴላን ዋይ ጌኒያን ገዴና።

1:1 ኪት 17:1      1:6 ኪት 17:5-9

4 ሺን ያሳይ ዋንጋላ ሃደራ አካናው ኑኒ አማኔቲያዋንታ ገዲና፡ ኑሲ ሄ ሃደራ ኢሜዳ፤ ሄ ኢሜዳዋዳንካ ኑኒ ሃሳዬቶ። ቃሲ ኑኒ ኑ ዋዛና ያዋሲያ ያሳ ናሼቺያዋዳን ሃሳዬቶ፤ አቲን፡ አሳ ናሼቺያዋዳን ሃሳዮቱ። 5 ኑኒ ሂንቴቱ ጨሚያ ሃሳና፡ ዋይ ኑኒ ዮራ ገንሲያ ሃኖታን ዪቤናዋ ሂንቴንቱ ሎይሌ ኤሪታ፤ ያሳይካ ኑሲ ማርካ። 6 ኑኒ አሳ፤ ዋይ ሂንቴ፤ ዋይ ሃራንቱ እፔኔካ ቦንቹዋ አካናው ኮዪቤይቱ። 7 ኑኒ ኪሪሰቶሲ ከቴዳዋንታ ገዲዳ፡ ቦንቹዋ ሂንቴንቱ አቻናው ዳንዳዬቶ። ሺን አታ ባሬ ናናቱዋ ሲቁዋን ዲቺያዋዳን፡ ሂንቴንቱ ገዲን አሺኬ ገዳዶ። 8 ሂንቴንቱ ኑሲ ዳር አልዎ ገዳዳ ዲራው፡ ያሳ ዋንጋላ ሂንቴንቶ አማናዋ ያላላ ገዳናን፡ ኑ ዴዑዋካ ሂንቴንቶ አማናው ገረ ኡቴዶ፤ አዪሲ ጎፔ፡ ሂንቴና ኑኒ ሎይሌ ሲቁዶ። 9 ኑናዳን ያሳ ካሊያዋንቶ፡ ኑ ኑሱዋኔ ኑ ዳቡራ ሂንቴንቱ አኬኪታ፤ ሂንቴንቶ ያሳ ሚሺራቹዋ ቃላ ኑዲዳ፡ ሂንቴና አዪኔ ዋዪሴና ማላ፡ ቃማኔ ጋላሲ ኑኒ አሌዶ።

10 ኑ ዴዑ ሂንቴንቱ ማታን፡ አማኒያዋንቱ ማታን፡ ገሻ፡ ዓሎኔ ቦሬቴናዋ ገዲያዋ ሂንቴኔ ያሳይ ማርካ። 11 ኑኒ ሂንቴንቶ ሁጲያን ሁጲያን አዉ ባሬ ናናው ሃኒያዋዳን ሃኔዳዋ ኤሪታ። 12 ኑኒ ሂንቴና ዘሬዶ፤ ማንሐሌዶኔ ሂንቴንቶ ማርካቴዶ። ሄዌኔካ ሂንቴና ዪሴዳ ያሳ ናሼቺያ ዴዑዋ ሂንቴንቱ ዴናናናኔ አ ካዉቴላኔ አ ቦንቹዋ ጌላናዳና።

13 ሂንቴ ኑፔ ያሳ ቃላ ቱማ ገዳዳዋዳን አኬዳ ዋዴ፡ ያሳ ከታዳን አኬዳዋ፤ አቲን፡ አሳ ከታዳን አኪቤና ዲራው፡ ያሳ ቃላይ አማኒያ ሂንቴናን አሌ፤ ሄ ጋሱዋን ኑኒ ያሳ ኡባ ዋዴ ጋላቴቶ።

14 አዪሲ ጎፔ፡ ኑናዳን ያሳ ካሊያዋንቶ፡ ኪሪሰቶሲ ዬሱሳን አቱዋ ገዳዳ ዪሁዳ ገያ ጋዲያን ዴዒያ አማኒያዋንታ፡ ሂንቴንቱ ለሚሴቲታ፤ ሄዋንቱ ያሳ አማኒያዋንታ። አዪሁዳቱ ኡንቴንታ ዋዪሴዳዋዳን፡ ሂንቴንቱ ቢታ አሳይካ ሂንቴና ዋዪሴዳ። 15 ሄ አዪሁዳቱ ጎዳ ዬሱሳኔ ናባቱዋ ዋዴዲና፤ ቃሲ ኑና ዬዴርሴዲና። ኡንቴንቱ ያሳ ናሼቺኪና፤ አሳ ኡባካ ኢዲና። 16 አዪሁዳ ገዳና አሳይ አታና ማላ፡ ኑኒ ኡንቴንቶ ቃላ ኡዲያዋ ዲገና። ቃሲ ኡንቴንቱ ናጋራይካ ኡባ ዋዴ ዳሪ ዳሪ ቤ። ሺን ዉርሴላን ያሳ ሃንቁ ኡንቴንቱ ቦላ ዋዴዳ።

ጳውሎሲ ቲሴሎንቄያ አሳ ላዒንሉዋ ያዋሳናው አሞቴዳ አውዋ

17 ሺን ኑናዳን ያሳ ካሊያዋንቶ፡ ኑኒ ኑ ቆፋን ገዳናዳን፡ አሳቴላ ያላላን ሂንቴ፤ ጉላ ዋዴው ሻኬቴዳ ዋዴ፡ ሂንቴና ዳር

ላሞቲዳ፡ አይፊያን ቤዓናው ሎይሌ ኮይደ። 18 አዩሲ ጎፔ፡ ኑኒ ሂንቴኮ ሲሚዳ ባናው ኮይደ። ኡባ ታኒ ጳውሎሲ ዛራ ዛራዳ ሂንቴኮ ባናው ማላ ቤዓዲ፤ ሺን ሴፃናይ ኑና ዲጌዳ። 19 አዩሲ ጎፔ፡ ኑ ጎዳ ዩሱሲ ኪሪሰቶሲ ዪያ ዎዳ፡ ኑኒ ቤዓና ጌዳ ናሼቻን ናጊያዌ፡ ዎይ ኑ ናሼቻይ፡ ዎይ ኑኒ ጨቁቲያ ኣኪሊሊ ኦኔ? ሂንቴና ጌዲኪቴዬ? 20 አዩሲ ጎፔ፡ ሂንቴንቱ ኑ ቦንቹዎኔ ኑ ናሼቻ።

### 3

1 ሄዎ ዲራው፡ ኑሲ ጌንጫናው ዳንዳይቴናን ኢዳዳ ዎዳ፡ አቴና ጊያ ካታማን ኑሬካ አታናው ቆፋ ቃቹደ። 2 ሂንቴና ዘራናዲኒኔ ሂንቴንቱ አማኑዎን ሂንቴና ሚኒሳናዳን፡ ያሳው ኦሊያ ኑ አሸ፡ ኑናና አቲፔ ኪሪሰቶሳ ሚሺራቹዎ ቃላ ኦዲያ ደሞቶሳ ሂንቴኮ ከቲደ። 3 ሃ ዎዪያ ጋሱዋን ሂንቴፔ ኦኒኔ ጉዬ ሲሚና ማላ፡ አ ከቲደ። ኑኒ ሄዎ ደራቴዳዎ ሂንቴንቱ ሂንቴንቱ ሁጹው ኤሪታ። 4 አዩሲ ጎፔ፡ ኑኒ ሂንቴናና ዳዒዳ፡ ኑኒ ዋዬታናዎ ካሴቲዳ ሂንቴንቶ ኦዳደ፤ ቃሲ ሂንቴንቱ ኤሪያዎዳንካ ካሴ ሄዎዳን ሃኔዳ። 5 ሄዎ ዲራው፡ ቃሲ ጌንጫናው ታው ዳንዳይቴናን ኢዳዳ ዎዳ፡ «ኦኒ ኤሪ ፃላሂያ ካቶ ሂንቴና ፓጩናን አገና። ኑ ዳቡራዪካ ማላ ጌዳናን አገና» ያጋዳ ሂንቴንቱ አማኑዎ ኤራናው ደሞቶሳ ሂንቴኮ ኪታዲ።

6 ሺን ሃዒ ደሞቶሲ ሂንቴንቱ ማታፔ ኑኮ ዪዳ፡ ሂንቴንቱ አማኑዎባኔ ሂንቴንቱ ሲቁዋባ ሂንቴንቶ ሚሺራቹ ጌዳ ኑሲ ኦዳዳ። ቃሲ ኑኒ ሂንቴና ቤዓናው ላሞቲያዎዳን ሂንቴካ ኑና ቤዓናው ላሞቲዳ፡ ኡባ ዎዳ ኑሲ ሎዶባ ቆፒያዎ ኢ ኦዳዳ። 7 ሄዎ ዲራው፡ ኑናዳን ያሳ ካሊያዎንቶ፡ ኑ ዋዪያኒኔ ኑ ቱጋን ኡባን ሂንቴንቱ አማኑዎ ባጋና ሂንቴዎን ኑ ሚኔቲደ። 8 ጎዳን ሚኒዳ ሂንቴንቱ ዳዎፔ፡ ኦኒካ ሃዒ ዳዒቶ። 9 አዩሲ ጎፔ፡ ኑኒ ሂንቴባው ያሳ ጋላቲቶ። ኑኒ ኑ ያሳ ሲንላን ሂንቴንቱ ዲራው ዳዒያ ናሼቻ ኡባው አ ዳሮ ጋላቲቶ። 10 ኑኒ ሂንቴና ቤዓናዉኔ ሂንቴንቱ አማኖ ፓጩዳዎ ኩንላናው፡ ቃማኔ ጋላሲ ኑ ኩሚንላ ዎዳናፔ ያሳ ዎሴቶ።

11 ኑ አዳ፡ ኑ ያሳይ ባሬ ሁጹው፡ ቃሲ ኑ ጎዳይ ዩሱሲ ኪሪሰቶሲ ኑኒ ሂንቴኮ ቢያ ኦጊያ ኑሲ ጊሊሶ። 12 ኑኒ ሂንቴና ሎይሌ ሲቁያዎዳን፡ ጎዳይ ሂንቴንቱ አቱ አቱዎ ሲቁያ ሲቁዎኔ ቃሲ አሳ ኡባ ሲቁያ ሲቁዎ ሂንቴንቶ ዳሪሶኔ ጉጅ። 13 ኑ ጎዳይ ዩሱሲ ባሬ ጌሻቲዎ ኡባና ዪያ ዎዳ፡ ኑ ያሳ፡ ኑ አወዎ ሲንላን ሂንቴ ዎዳናይ ጌሻኔ ፖኩ ባይናዎ ኡዲዳ፡ ሂንቴና ኢ ማንሌሉ።

# 4

## ጾሳ ናሽቺያ ደዑዋ

1 ሲሚ ወርሴላን፣ ኑናዳን ጾሳ ካሊያዋንቶ፣ ጾሳ ናሽቻናው ሂንቴንቱ ዋኒ ዳዓናው ቤሲንቶ፣ ኑፔ ታማሬዲታ። ሄዌ ሂንቴንቱ ካሴዴፔ ዳዒያ ማራ፤ ሺን ሃዒ ሂንቴንቱ ካሴዋፔ ሎይሊዴ ኦላናዳን፣ ጎዳ ዩሱሳ ሱንላን ሂንቴና ዋሴቶኔ ዞሬቶ። 2 አዪሲ ጎፔ፣ ኑኒ ጎዳ ዩሱሳ ማታ ባጋና ሂንቴንቶ ኢሜዳ አዛዙ ሃቃዌንቶ፣ ሂንቴንቱ ኤሪታ።

3 አዪሲ ጎፔ፣ ጾሳይ ሂንቴፔ ኮዪያዌ አዬ ጎፔ፣ ሂንቴንቱ ጌሻ ጊዳናዋኔ ዋሹሚያዋ ኡባና አጋናዋ ኮዬ። 4 ሂንቴንቱ ሁጲያን ሁጲያን ጌሻቴላኒኔ ቦንቹዋን ሂንቴንቱ ማቺያና ዋቲ ዳዓኔንቶ \* ኤራናው ቤሴፔ አቲን፣ 5 ጾሳ ኤሬና አማኔና አሳቱዋዳን፣ ሎይሊ አዋቲያዋን አካናው ቤሴና። 6 ኑኒ ቃሲ ካሴ ሂንቴንቶ ኦዴዳዋዳኒኔ ሂንቴና ሚኒሲ ዞሬዳዋዳን፣ ጎዳይ ሃዋ ማላባን ኡባን ሃሉዋ ኬሲያዋ ጊዲያ ዲራው፣ ኦኒኔ ሃ ዩወዋን ባሬ አሻ ናቃናወኔ ጨማናው ቤሴና። 7 አዪሲ ጎፔ፣ ጾሳይ ኑና ጌሻቴላን ዳዓናው ጳሴዳዋፔ አቲን፣ ቱናቴላን ዳዓናው ጳሲቤና። 8 ሄዋ ዲራው፣ ሃ ቲሚርቲያ ኢዲያ ኦኒኔ ሂንቴንቶ ባሬ ጌሻ አያና ኢሚያ ጾሳ ኢጻፔ አቲን፣ አሳ ኢጻና።

9 ሂንቴ ሂንቴንቱ ሁጲያን ኢቱ ኢቱዋ ሲቃናዳን፣ ጾሳይ ሂንቴና ታማሪሴዳ ዲራው፣ ሂንቴንቱ ሂንቴንቱ አሻቱዋ ዋቲ ሲቃናው ቤሲንቶ፣ ኑኒ ፃፋናው ኮሼና። 10 ቃሲ ማቂዳኒያ ቢታ ኡባን ዳዒያ አሻቱዋ ኡባቱዋ ቱሙ ሂንቴንቱ ሲቂታ። ሺን ኑናዳን ጾሳ ካሊያዋንቶ፣ ሂንቴንቱ ሄዋፔ ጉጂ ጉጂዴ ኡንቴንታ ሲቃና ማላ፣ ሂንቴና ዋሴቶ።

11 ኑኒ ካሴ ሂንቴንቶ ኦዴዳዋዳን፣ ዋፑ ጌዳ ደዑዋ ዳዒቲ። ቃሲ ሂንቴና ኮሺያዋ ዳማናው፣ ሂንቴ ኩሺያን ኦሊቲ። 12 ሄዋ ጊዳፔ፣ አማኔናዋንቱ ማታን ሂንቴንቱ ቦንቹታናኔ ቃሲ ሂንቴና ኮሺያባው ኦናኔ አወዳሺኪታ።

## ጎዳይ ዪያ ዎዴ ሃዪቄዳ አሳይኔ ፓፃ ዳዒያ አሳይ ሃናናባ

13 ሺን ኑናዳን ጾሳ ካሊያዋንቶ፣ ሂንቴንቱ ሂዶታይ ባይና አሳቱዋዳን ካዮቴና ማላ፣ ሃይቄዳ አሳቱዋባ ሂንቴንቱ ኤራና ማላ ኮዬቶ። 14 ኑኒ ዩሱሲ ሃዪቄዳዋኔ ቃሲ ሃዪቄዋፔ ኢ ዳንዴዳዋ

\* 4:4 ጌሻቴላኒኔ ቦንቹዋን ሂንቴንቱ ማቺያና ዋቲ ዳዓኔንቶ፣ ጉሳይ ባሬ አሳቴላ ናጊዴ ጌሻቴላን ዳዓናው ኮሺያዋ ቤሴ።

አማኔቶቹ፤ ህዋዳንካ፣ ያሳይ ዩሱሳ አማኒዴ ሃዪቄዳዋንታ ዩሱሳና አሃናዋ አማኔቶቹ።

15 እዪሲ ጎፔ፣ ኮኒ ሂንቴንቶ ኦዲያ ጎዳ ቃላይ ሃዋ፤ ኮኒ፣ ጎዳ ለዒንሉዋ ዩሳ ጋላሳይ ጋካናው ሃዋን ፓፃ ዴዲያዋንቱ፣ ሃይቄዳዋንቱ፤ ካሴቶኮ። 16 እዪሲ ጎፔ፣ ጎዳይ ባሬ ሁጺያን እዛዙዋና፣ ከታንቻቱዋ ካፑዋ ኮሻና፣ ያሳ ማላካታ ገሬላና ሳሉዋ፤ ዋቆና። ከሪሰቶሳ አማኒዴ ሃዪቄዳዋንቱ ካሴቲዴ ሃዪቄዋ፤ ዴንዳና። 17 ህዋ፤ ጉዲያን፣ ኮኒ ህ ዋዴ ፓፃ ዴዲያዋንቱ፣ ጎዳና ጫርኩዋ ገደን ጋኬታናው ኡንቱንቱና ኢቲ፤ ሻሪያን ዴንዳና። ህዋ ዲራው ኮኒ ጎዳና ኢቲ፤ ኡባ ዋዴ ዴዳና። 18 ህዋሲ፣ ሃ ቃላን ኢቱ ኢቱዋ ማንጴሴቱ።

# 5

## ጎዳ ዩሳ ገገዴ ናገቱ

1 ሺን ኑናዳን ያሳ ካሊያዋንቶ፣ ሃ ዩዋቱ አዉዴ ሃናኔንቶ፣ ዋዲያኔ እገና ሂንቴንቶ ፃፋናው ኮሼና። 2 እዪሲ ጎፔ፣ ጎዳ ጋላሳይ ካዪሱ ቃማ ዪያዋዳን ያናዋ ሂንቴንቱ ሎይሴ ኤሪታ። 3 አሳይ፣ «ኡባባይ ሳራ፤ አያይካ ሃኔና» ገሺን፣ ማጫ አሳ ዩሉ ኦይቄያዋዳን፣ ባሻይ ኡንቱንቱ ቆፔናን ኡንቱንቱ ቦላ ያና። ኡንቱንቱ ሙሉካ ኬሲ እኪኪና። 4 ሺን ኑናዳን ያሳ ካሊያዋንቶ፣ ህ ጋላሳይ ሂንቴንቶ ካዪሱ ዪያዋዳን ያናው ሂንቴንቱ ቆማኒ ዴዲኪታ። 5 ሂንቱ ኡባይ ፖዑዋ አሳኔ ጋላሳ አሳ፤ ኮኒ ቃማ አሳ ዋይ ቆማ አሳ ገደኮ። 6 ህዋ ዲራው፣ ኮኒ ሃራቱ ጌሚዲሺያዋዳን ጌሚዲሻናው ቤሴና። ኮኒ ቤንታናዉኔ ዋጋን ዴዳናው ቤሴ። 7 እዪሲ ጎፔ፣ ጌሚዲሺያዋንቱ ቃማ ጌሚዲሺና፤ ማሶቲያዋንቱካ ቃማ ማሶቲና። 8 ሺን ኮኒ ጋላሳ አሳ ገዲያዋንቱ ዋጋን ዴዳናው ቤሴ። ኮኒ አማኑዋኔ ሲቁዋ ቲራን ዋሊያ ኦላ ሚሻዳን ኦይቄዴ፣ ኮኒ ሂደታን ናገያ አቶቱ፣ ቢራታ ቆቢያዳን፣ ሁጺያን ዋላናው ቤሴ። 9 እዪሲ ጎፔ፣ ያሳይ ኑና ኑ ጎዳ ዩሱሲ ከሪሰቶሳ ባጋና አቶቱ፣ ዳማናው ደሬዳዋ፤ ኡቲን፣ አ ሃንቁዋ አካናው ደሪቤና። 10 ኮኒ ፓፃ ገዲና ዋይ ሃዪቄዳዋንታ ገዲና፣ ከሪሰቶሳና ኢቲ፤ ዴዳና ማላ፣ ከሪሰቶሲ ኑ ዲራው ሃዪቄዳ። 11 ህዋ ዲራው፣ ሂንቴንቱ ቃሲ ሃዲ ኦሊያዋዳን፣ ሃራቱዋ ማንጴሴቱኔ ኢቱ ኢቱዋ ዲቺቱ።

## ወርሴላ ዞሪያኔ ሳርታ

5:8 እሳ 59:17፤ ኤፌ 6:13-17

12 ኑናዳን ያሳ ካሊያዎንቶ፣ ሂንቴንቱ ጊደን ኦሊያዎንታ፣ ሂንቴና አማኑዎ ኦጊያን ካሌሊያዎንታኔ ዘሪያዎንታ፣ ሂንቴንቱ ቦንቻና ማላ፣ ሂንቴና ዎሴቶ። 13 ኡንቱንቱ ኦሊያ ኦሱዎ ዲራው፣ ኡንቱንታ ሎይሊ ቦንቸቴኔ ሲቁቴ። ኢቱ ኢቱዋና ሳሮቴላን ዳዒቴ።

14 ኑናዳን ያሳ ካሊያዎንቶ፣ ኑኒ ሂንቴና ዘሪቶ፤ ማሪይ ባዪና ዴዑዎ ዳዒያዎንታ ሴሪቴ። ያዪያዎንታ ማንሌሊቴ። ዎልቂ ባይናዎንታ ማዲቴ። አሳ ኡባ ዳንዳዪቴ። 15 ኦኒኔ ኢታ ዲራው ኢታ ዛሬና ማላ ናጌቲቴ፤ ሺን ኡባ ዎዴ፣ ኢቱ ኢቶኔ ቃሲ አሳ ኡባው ሎዎባ ኦላናው ማኒቴ።

16 ኡባ ዎዴ ናሼቲቴ። 17 ኡባ ዎዴ ቃንጻናን ያሳ ዎሲቴ።

18 ኡባባኒ ጋላቲቴ። ኦዪሲ ጎቴ፣ ኪሪሰቶሳ ዩሱሳ ባጋና ያሳይ ሂንቴፔ ኮዪያዌ ሄዎ።

19 ጌሻ ኢያና ታማ ቶዪሶጊቴ። 20 ቲምቢቲያ ቃላ ካቶጊቴ።

21 ኡባባካ ፓጩቴ። ሎዎባ ኦይቂቴ። 22 ኢታ ኦሱዎ ኡባፔ ሃኪቴ።

23 ሳሮቴላ ያሳይ ባሬ ሁጳው ሂንቴና ኡባባኒ ፖሎ ጌሾ፤ ቃሲ ኑ ጎዳይ ዩሱሲ ኪሪሰቶሲ ዪያ ዎዴ፣ ያሳይ ሂንቴንቱ ኢያና፣ ሺምፑዎኔ አሳቴላ ኢቲፔ ቦሬቴናዎኔ ፖሎ ኡዲዴ ናጎ። 24 ሂንቴና ጻሲያዌ አማኔቴዳዎ፤ ቃሲ ሄዎ ኢ ፖላና።

25 ኑናዳን ያሳ ካሊያዎንቶ፣ ኑሲ ያሳ ዎሲቴ።

26 ኢሻቱዎ ኡባ ጌሻ ዩሩዎ ዩሪዴ ሳሮቴቴ።

27 ሂንቴ ሃ ዳቢዳቢያ ጌሻ ኢሻቱዎ ኡባው ናባባናዳን፣ ጎዳ ሱንላን ሂንቴና ዎሳይ።

28 ኑ ጎዳ ዩሱሲ ኪሪሰቶሳ ኦቶ ኬካቴላይ ሂንቴናና ኢቲፔ ጊድ።

**Ooratha Caaquwaa**  
**New Testament in Dawro (ET:dwr:Dawro)**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2014-04-22

---

PDF generated using Haiola and XeLaTeX on 11 Nov 2022 from source  
files dated 29 Jan 2022

585b63ca-b8e6-55c8-bfef-10bdc95ad69c